

DE MORTE  
ANNAE DVCS  
DE GIOIOSA

PARIS ET AMIRALII FRANCIAE ETC.

GVILIELMI BLANCI IVNIORIS  
SIXTI V. *Summi Pontificis Cubicularij intimi*

ELEGIA CONSOLATORIA

AD ILLVSTRISSIMVM, ET REVERENDISSIMVM  
FRANCISCVM CARDINALEM DE GIOIOSA

Gallarum Protectorem, Patronum colendissimum.



SVPERIORVM PERMISSV.


ROMAE, Ex Typographia Titi & Pauli de Dianis Fratrum.



# ILLVSTRISSIMO AC REVERENDISSIMO

D. FRANCISCO DE GIOIOSA

S. R. E. CARDINALI AMPLISSIMO,  
GALLIARVM PROTECTORI,  
VETERI PATRONO SVO,



Guilielmus Blancus Iunior.



OPTIMI clientis cùm sit, non solùm pro-  
spèris, & secundis, sed aduersis etiam, &  
adflictis rebus Patrono adesse, non possum  
ipse (Patrone optime) fratrum tuorum  
mortem tibi, & Gallix, immò etiam vni-  
uerso Christiano Orbi acerbissimam, solis  
ipsis gloriosissimam non lugere, aut lugen-  
ti tibi non adesse. Nam cùm decimo ab hinc anno ætate pro-  
pè pares, sed fortuna longè dispares Tolosæ eodem tempore,  
eadem in schola, eodem plerunque sub tecto pietatis, & lite-  
rarum studia simul coleremus, & præuiderem ipse tacitus ob-  
egregiam, & præclaram indolem tuam ad quam dignitatem  
iam tùm electus Electensis Episcopus expectareris, ac crescen-  
tibus vnà cum virtute tua ornamentis tuis mea etiam in te cre-  
sceret obseruantia; iamq; euenerit, vt quemadmodùm neque

A 2

ad vir-

ad virtutem, neque ad dignitatem tuam vlla ferè ampliùs fieri  
potest accessio, ita neque ad meam illam obseruantiam aliquid  
addi possit, non potest etiam meus iste luctus, in quem me  
tuus vocat, non summus esse. Sed vereor ne Prætorio inter-  
dicto aduersùs nos agatur, si meum, aut tuum hunc luctum  
dixero, qui publicus, & communis omnium esse debet, vt  
est commune damnum. Vnius enim amissione Ecclesia Ca-  
tholica propugnatorè acerrimum, Gallia lumen, & ornamen-  
tum maximum, REX ministrum fidelissimum, exercitus Du-  
cem fortissimum, tu fratrem carissimum, boni omnes præsi-  
dium certissimum amifere. Verùm quemadmodum modera-  
tus luctus animi pietatem, ita immoderatus eiusdem intem-  
perantiam prodit, atq. illum quidem ita sequi debemus, vt hunc  
fugiamus, & ita dolore affici, vt non deficiamus. Quare, ne  
ad hanc alteram partem verus ille, & fraternus amor deflectere  
te faciat, meum hoc carmen legendum tibi offero, quod si non  
omnem omninò abstergebit dolorem, (neque enim tantum  
de illo sperare debeo) at saltem aliqua consolatione te permul-  
cebit. Ego interim virtute functis fratribus benè precabor,  
& quantò illi ocyùs de vita decesserunt, tantò te tardius deces-  
surum augurabor. Ex Vrbe, prid. Cal. Decemb. CIO IO XI IC.

A D  
ILLVSTRISSIMVM  
ET REVERENDISSIMVM  
FRANCISCVM CARDINALEM  
DE GIOIOSA

GVILIELMI BLANCI ALBIENSIS I. C.

Elegia consolatoria.

**P**ONE modum lacrumis, iam tot noctesq̃, diesq̃,  
Turgidula lacrumis immauere gena.  
Mitte tuos questus, iam totã questibus Urbẽ,  
Atq̃ ipsa implesti planctibus astra tuis.  
Desine tot trahere ex imo suspiria corde,  
Ne simul ex imo corde trahas animam.  
Nil tibi nunc lacruma, tibi nil suspiria profunt,  
Et vanos questus ventus, & aura ferunt.  
Et lacruma, & questus, & tot suspiria fratres  
A tumultu possent si reuocare tuos,  
Tybris inundaret lacrumis, suspiria ventos  
Opprimerent, questu contremereq̃ solum.  
Hac nihilum profunt, quoniam quos Parca recepit,  
Hos ullis precibus reddere nescit atrox.  
Plangis adhuc? largoq̃ humectas flumine vultum?  
Quid sibi vult planctus? quid sibi flumen aqua?

Quonam abiit duris prudentia cognita rebus?

Quonam animus constans, propositiq; tenax?

Tu tua religio teneris mihi cognita ab annis,

Tu tua vera fides sic lacrumare vetant.

Tu iustum, fateor, trahis alto è corde dolorem,

Iustaq; lugendi nunc tibi causa datur.

Heu! fratres cecidere duo, Dux concidit Annas,

Quo prius inuicti tot cecidere duces.

Corruit heu! regni columen, belliq; coruscum

Fulmen, totius presidiumq; plaga.

Concidit heu! fidei vindex acerrimus ille,

Tam bene diuina religionis amans.

Ecquis erit, qui non in questus ora resoluat?

Ecquis erit, qui non proluat imbre genas?

Ille ego, magnificis modò qui solatia verbis

Præbebam ah! luctu vincor & ipse tuo.

Ecce cadunt lacruma mihi nunc in singula verba,

Ecce mea infelix obstruit ora dolor.

Hei! loquar aut medijs vox languida faucibus hæret?

Quintandem erumpet questus in astra mens!

Hei mihi! ut occubuit letho memorabilis Heros.

Hei mihi! quàm tristi cede peremptus obit?

Quis feret adflicto mihi nunc solamina, si quod

Solamen tantus possit habere dolor.

Sed quid ego imprudens quero solatia solus?

Vnius ob cadem Gallia tota gemit,

Gallia



Gallia tota gemit passos laniata capillos,  
 Vnguibus & teneras dilacerat aenas.  
 REX luget lacrimis oculos persusus abortis,  
 Nec ficto vultu spem simulare potest.  
 Maximus indoluit SEXTUS, cui Gallia cura,  
 Optimus indoluit pignora casa parens.  
 Purpurei doluere Patres, gemuere Quirites,  
 Nec solum tangit te pius iste dolor.  
 „ Iustorum cadem iustos lugere necesse est,  
 „ Verum aliquem par est luctibus esse modum.  
 Tandem igitur, Francisce, tuas depone querelas:  
 Vnde tibi tantus prouenit iste dolor?  
 Fratrem habui, dices, quem mors mihi saua peremit!  
 Est tibi nunc frater, qui tibi frater erat.  
 Antè erat in regno? nunc illum Regia Cali  
 Possidet: est, alio sit licet ipse loco.  
 REGI gratus erat? Celesti gratus & ille  
 Regi. Pollebat? Pollet & ille magis.  
 Sed magno fratrem fueram complexus amore?  
 „ Non perit immiti morte superstes amor.  
 Mortuus ergo ille est? Quin viuit. Viuit? Et immò.  
 Sic viuit, nunquam possit ut inde mori.  
 Sed fratres casus mihi binos abstulit vnus,  
 Ut modò lugendi sit mihi causa duplex!  
 Quid faceres, si cade parens perisset eadem?  
 Iactura hoc lucrum tu minus esse putas?

Sed fratres cecidere duo! Scis, inclyte Prasul,  
 Ut cecidisse duos, sic superesse duos.  
 Sed cecidit victus frater fortissimus Annas!  
 Ex illo hostis atrox, unde triumphet, habet.  
 An cecidit victus, toties qui vicit? ab hoste  
 Qui toties domito clara trophæa tulit?  
 Martyrj palmam obtinuit, si Martyr habetur,  
 Qui vult pro vera religione mori.  
 Sed frater noctu ante oculos maestissimus Annas  
 Sapius in somnis visus adesse mihi!  
 Proh dolor! adspexi concretos sanguine crines,  
 Adspexi hostili vulnera facta manu!  
 Annas qualis erat? quantum mutatus ab Anna?  
 Heu! prae vulneribus vix mihi notus erat!  
 Quid gemis? adspicias pendente in stipite CHRISTVM,  
 Hostili adspicias vulnera facta manu!  
 Adspicias CHRISTI laceros crudeliter artus,  
 Sentibus adspicias tempora cincta feris.  
 Tanta etiam pro fratre tuo perpeffus IESVS,  
 Pro CHRISTO frater debuit ergo pati.  
 Debuit ille pati, quoniam perpeffus IESVS:  
 Sed rapuit fratres mors inopina duos.  
 An ne immortales tibi fratres esse putabas?  
 „ Prudenti nunquam mors inopina venit.  
 Bello aderant, præerantq. simul: qui castra sequuntur,  
 Hos nescis quouis tempore posse mori?



*Num soli fratres cecidere? cadentibus illis  
Marte etiam aduerso tot cecidere viri.  
„Omnis pugna anceps. Et ego sub Principe SIXTO,  
Cum volet in Turcas aspera bella geri,  
Fortè cadam, medios ferro irrupturus in hostes,  
Et maria undabunt sanguine tincta meo.  
Non debet fratrum noua mors, Franciscè, videri:  
Res vetus est alys, qua tibi visa noua.  
Exstincti fratres: & tu moriere: nec ullum  
A morte immunem fecit in Orbe Deus.  
Desine continuis Calum vexare querelis:  
„ Longa dies luctum, tristitiamq; leuat.  
Ergo tuos abigat tua nunc prudentia luctus,  
Quod faciet, nisi tu feceris, ipsa dies.*



# EPITAPHIA IN EVNDEM.

## I.

*Magnificos ageret cū victo ex hoste triumphos,  
Iamq; Annas nomen ferret in astra suum,  
Inuidiam Martis mouit, ne fortè triumphos  
Victo è Marte sibi quæreretur ille nouos.  
Annas Marte cadit, ne Mars tandem occidat Anna,  
Quid loquor? immò Anna Mars pereunte perit.*

## II.

*Scis tibi nunc perijssse Parem: sed, Gallia, nescis  
Anne Pari posthac sis paritura parem.*

